



mjesečni Bilten

omladinska mreža bosne i hercegovine



juli-
avgust
2022

278-279

Dragi prijatelji/ce,

Predstavljamo vam dvobroj (278 – 279, Juli-Avgust 2022.) mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine.

Bilten izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.orctuzla.ba



SADRŽAJ

Aktivnosti u julu i avgustu.....	2
Planovi za septembar.....	7
Aktivnosti članova mreže.....	8
Saopštenja/informacije/donatori/pozivi.....	19

Uživajte u čitanju!

AKTIVNOSTI ORC/HCA U JULU - AVGUSTU



Sa Evropskog na Sokolov put – Via Ferrata – Johann Sattler & Cat Patrola (Romanija)

Ambasador **Evropske unije Johann Sattler** i **#CatPatrola** osvojili su zajedno **Via Ferratu “Sokolov put”** na Romaniji.

Ambasador Johann Sattler je šef Delegacije Evropske unije u Bosni i Hercegovini i specijalni predstavnik Evropske unije u Bosni i Hercegovini od 1. septembra 2019. godine.

Tokom prethodnog iskustva, te svog prethodnog mandata kao austrijski ambasador u Albaniji, ambasador Sattler se posebno fokusirao na Zapadni Balkan.



“Priroda je nešto posebno lijepo u Bosni i Hercegovini. To vam je jedna velika prednost. Naravno druga stvar, važnija, jesu mladi. To je potencijal. To je pravi talenat ove države.”

Cat Patrola i gospodin Johann Sattler proveli su dan na obroncima prelijepe Romanije.

“Nije mi bilo svejedno kada smo se odlučili da snimanje sa gospodinom Sattlerom bude na “Via Ferratti”, testirali smo granice vlastite izdržljivosti, ali na kraju smo uspjeli. Osjećaj je bio neopisiv.” – navodi voditeljica emisije, **Mirela Biković**.

Dužina Via Ferrate “Sokolov put” iznosi 350 m i sa dva viseća mosta predstavlja jedinstvenu atrakciju u Bosni i Hercegovini. Ovaj adrenalinski sadržaj će ljubiteljima avanturizma i ekstremnih sportova pružiti veliko uzbuđenje uz maksimalnu sigurnost.

Staza je dio projekta Evropske unije “Uživaj u regionu Sarajevo-Romanija”.

U novoj epizodi #CatPatrola imate priliku vidjeti koliko je izazovno bilo, razgovarali smo o budućnosti, aktivizmu mladih, ulozi i potencijalu turizma u BiH:

<https://www.youtube.com/watch?v=vZ9WALNKTFI>

“Cat Patrola je omladinski serijal koji je nastao u sklopu inicijative mladih CAT BiH u kojem otvaram vrata svog limenog ljubimca za afirmativne priče mladih. Vodim vas kroz najljepše predjele države u namjeri da ispričam priče o ljubavi, sreći i ambicioznim ljudima naše sadašnjice.” – Mirela Biković, ORC Tuzla.

Ujedinjeni u različitosti možemo preći sve prepreke.



CAT Bosna i Hercegovina

Tokom mjeseca jula i avgusta, nastavili smo sa našim redovnim aktivnostima u sklopu projekta „Građani protiv terorizma – CAT“. Naše mačke su nastavile da oduševljavaju javnost na društvenim mrežama, a uskoro počinjeno sa svojim novim aktivnostima za mlade. Ako još uvijek ne pratite naše mačke – pozivamo vas da to učinite na:

[Facebook](#), [Web Portal](#), [Instagram](#) i [Youtube kanal](#).

Kad ti kažu da si
dobio novi posao:



Radno mjesto: Mladi u BiH



Počela izborna posmatračka misija Koalicije „Pod Lupom“

Koalicija za slobodne i poštene izbore “Pod lupom” započela je posmatračku misiju za Opće izbore 2022. godine. U posmatračkoj misiji učestvuje 100 dugoročnih, građanskih, nestranačkih posmatrača/ica iz više od 85 organizacija civilnog društva širom BiH, a na izborni dan će biti angažovano preko 2000 posmatrača/ica izbornog dana.

U naredna tri mjeseca dugoročni posmatrač/ice će raditi na posmatranju rada lokalnih izbornih komisija i poštivanja rokova propisanih izbornim kalendarom, evidentiranju i prijavi izbornih nepravilnosti i prevara, posmatranju izborne kampanje, te obuci posmatrača/ica izbornog dana. O svojim aktivnostima dugoročni posmatrač/ice će izvještavati na sedmičnom nivou, a iz Koalicije “Pod lupom” su poručili da će sve nalaze blagovremeno objavljivati i u skladu sa potrebama, reagovati ka nadležnim institucijama.

Ispred nas je period od tri mjeseca u kojem će Koalicija „Pod lupom“ aktivno raditi na praćenju izbornog procesa i otklanjanju izbornih nepravilnosti. Koalicija „Pod lupom“ je već i prije samog početka dugoročnog posmatranja Općih izbora 2022. godine zabilježila nekoliko izbornih nepravilnosti koje spadaju u kategoriju izborne kampanje u vremenu kada je ista zabranjena. Stoga, pozivamo sve političke subjekte i kandidate/kinje na izborima da poštuju izborna pravila, te sve institucije na saradnju u narednom periodu. Građane i građanke BiH pozivamo da se pridruže našim aktivnostima. – poručeno je iz Koalicije “Pod lupom”.

Izbori predstavljaju osnovni i najvažniji oblik građanskog učešća u demokratskim društvima, a nezavisne izborne posmatračke misije imaju preventivnu, proaktivnu i informativnu ulogu u zaštiti izbornog procesa. Svake izbore u BiH najvećim dijelom provodi i kontrolišće do čak 140.000 stranačkih osoba u ulozi članova/ica biračkih odbora, stranačkih posmatrača/ica i kandidata/kinja na izborima, što potcrtava značaj prisustva nestranačkih, građanskih posmatrača/ica na



izborima. Nestranačko posmatranje izbora zasigurno vraća povjerenje građana i građanki u izborni proces i značajno utiče na sprečavanje izbornih nepravilnosti.

Cilj Koalicije „Pod lupom“ su slobodni i poštenu izbori i zaštita glasova građana birača. Nas ne zanimaju rezultati izbora, zanima nas da ti rezultati budu stvarni odraz izborne volje građana i na tome predano radimo 8 godina. – dodali su iz Koalicije „Pod lupom“.

Iz Koalicije „Pod lupom“ su podsjetili da se građani/ke mogu prijaviti za nestranačke posmatračke/ice izbornog dana, te prijaviti sve izborne nepravilnosti Koaliciji „Pod lupom“, putem besplatnog telefona **080 050 505**, ili putem dostupnih online obrazaca na www.podlupom.org.



„In media natura“ - Tešanj



Družili smo se sa srednjoškolicima i srednjošolkama u Tešnju!

Naš Ammar Grabić bio je jedan od predavača na kampu "In media natura" u organizaciji ASU BiH Tešanj. 30 mladih ljudi, sa područja cijele Bosne i Hercegovine, imali su prilike učiti o medijskoj i digitalnoj pismenosti, dezinformaciji i lažnim vijestima, a sve to kroz praktične primjere i vježbe.

Drago nam je što smo još jednom prepoznati kao inicijativa koja stvara sigurno offline i online okruženje za sve građane i građanke naše zemlje.



Ekoakcija „Krivaja“

Rafting klub "Tuzlak" je sa volonterima iz partnerskih udruženja Tuzlanskog tinejdžerskog centra Telex i Omladinskog resursnog centra, odlučio da u ove vrele ljetnje dane organizuje ekoizlet, na kojem će spojiti korist i zabavu.



Na rijeci Krivaji očišćeno je pet kilometara obale i prikupljeno 57 vreća otpada. Nakon toga su volonteri i volonterke ekološke akcije imali priliku da uživaju u raftingu.



Strateško planiranje - BHRI



Naš zajednički cilj je fokusirana promjena na lokalnom nivou - složili su se predstavnici partnerskih organizacija koje na terenu implementiraju svoje aktivnosti unutar #BHRI (Bosnia and Herzegovina Resilience Initiative) projekta, a koje smo ovoga vikenda okupili na zajedničkom strateškom planiranju.

Zajedno sa BHRI timom, do kraja vikenda, partneri će evaluirati dosadašnje projekte i njegove rezultate,

te postaviti nove ciljeve i temelje za nastavak projekta.

Bosnia and Herzegovina Resilience Initiative (#BHRI), projekat je kojeg implementira **@iombih (#IOM)**, a kojeg finansira **@austriandev**



23. rođendan Magazina BUKA

Povodom 23 godina od osnivanja, **Magazin BUKA** organizovao je 25. avgusta na tvrđavi Kastel predstavu Zorana Kesića radnog naslova "Jazavac-Novo ročište".



Predstava se organizovala pod sloganom "**Ljetnja priredba za staro i mlado-Priče i pesme, Jazavac- Novo ročište**"

Zoran Kesić, jedno je od najpoznatijih TV lica u Srbiji i jedan od najcjenjenijih satiričara i humorista u regionu bivše Jugoslavije, Autor je kompletnog scenarija za svoj nastup, što samo po sebi nije garant kvaliteta, ali je bar garant da je sve njegovo i da ga niko neće tužiti za plagijat i krađu. Izuzev dijela priče o korupciji. Tu se malo umiješao i "Njuz Net", ali nemojte im to reći, nisu plaćeni za ovo.

Buka Magazin je povodom svog rođendana ugostio mlade iz čitave Bosne i Hercegovine, te im pokazao svoju redakciju, pozvao ih na druženje sa Zoranom Kesićem i kao šlag na kraju torte upriličili zajednički odlazak na predstavu.



REDOVNE AKTIVNOSTI ORC I HCA TUZLA

Tokom jula i avgusta radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.orctuzla.ba). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA SEPTEMBAR 2022.



Nastavak aktivnosti unutar projekta „Y.O.U.N.G“. U okviru ovoga smo već uradili billboard kampanju po gradovima u Bosni i Hercegovini, a koji se tiču vjere protiv lažnih informacija u medijima. U toku su i aktivnosti na izradi video materijala, te mimova. Krenule su i pripreme za organizovanje omladinske konferencije. Ova konferencija će okupiti uživo oko 25 mladih iz cijele BiH, a još 5.000 mladih će, putem satelit lokacijaimati priliku on-line učestvovati na ovoj konferenciji. Uporedo sa organizovanjem ove konferencije, naša vrijedna ekipa je već krenula sa snimanjem i emitovanjem sadržaja na You Tube i društvenim mrežama (Tik Tok & instagram reels, PodCat i Cat patrola sa novinarima, medijskim ličnostima, akademskim ličnostima, te stručnjacima za društvene mreže).



Pripreme za početak novog ciklusa projekta CATnet. Aktivnosti kreću u septembru, a više o njima u narednim biltenima.



Nastavak aktivnosti u okviru partnerskog projekta „Youth Rule of Law (YroL), čiji je nosilac Udruženje „Ja BiH u EU“ iz Sarajeva, a podržan je od strane **Evropske unije**.



AKTIVNOSTI ČLANICA OMLADINSKE MREŽE BiH



Omladinski klub "DIJAMANT"

Ul. Bučići 42, 70101 Jajce

Tel./fax: +387 30 279 444, +387 61 179 209, +387
63 366 811

E-mail: m.sekib@bih.net.ba

WEB: www.oed-dijamant.net,
www.dijamantmoda.com



Mladi Eko-Dijamanta uzeli učešće u akciji "Zajedno do čiste Plive"

Opština Šipovo, Jezero i Jajce bile su domaćini manifestacije "Eko regata – zajedno do čiste Plive", u okviru koje je obavljena akcija uređenja obala ove rijeke i uljepšavanja vodenog puta uz podršku raftera, članova OK "Dijamanta" kajakaša ŽOK Jajce – Nansen" i drugih ljubitelja ove rijeke. Cilj je bio razvijanje ekološke svijesti stanovništva o potrebi očuvanja životne sredine, te smanjiti zagađenost rijeke Plive, od plastičnog i drugog otpada.



Ujedinjeni u zajedničkom interesu plovili smo niz Plivu, radili i zabavljali se, i pokazali kako se voli svoj zavičaj. Cilj ove aktivnosti je bio unapređenje rijeke Plive kroz podizanje svijesti građana koji žive uz rijeku i aktiviranje opštinskih uprava kako bi je zaštitili od daljnjeg zagađenja. Uz to, akcija je osmišljena tako da uz podršku medija bude svojevrsna promocija Plive kao turističke atrakcije koja bi uz dalje angažiranje svih nas, postala turistički proizvod.

Učesnici su istakli da je akcija od izuzetnog značaja za lokalne zajednice i da je njen cilj čista rijeka Pliva, što se i postiže ovakvim i sličnim aktivnostima. Također, ovom akcijom žele da podstaknu građane da učestvuju u zaštiti rijeke, a načelnik Jajca Edin Hozan kaže da su Jajce, Šipovo i Jezero povezani prirodom, geografijom i potrebom da zajednički održavaju ovaj prostor.

"Svaki svoj slobodni trenutak posvećujemo rijeci Plivi, a koja je za nas najljepša na svijetu. Očarani samo njenom ljepotom, ali i izuzetnim ribljim fondom, gdje najviše ima potočne pastrmke i lipljena".



Omladinski klub "DIJAMANT" JAICE

U Bučićima održana Manifestacija "S koljena na koljeno – Kulturno sjećanje"



U organizaciji članova Udruženja omladinskog kluba "Dijamant" Jajce, uspješno je realizovana 19. Tradicionalna kulturno-zabavno i sportsko-rekreativna manifestacija: "S koljena na koljeno-kulturno sjećanje" Bučići kod Jajca.

Svi zainteresirani posjetitelji imali su priliku da uživaju i učestvuju u aktivnostima koje su planirali, a poseban fokus dali smo na historijski čas sjećanja na običaje i tradicije naših predaka. Također, posjetioци su imali priliku da se nadmeću u kulturnom djelu, tj. u igranju narodnih kola, kao i u zabavnom i sportskom dijelu. Imali smo priliku da družimo i evociramo uspomene na našu tradiciju i običaje, jer sve to ima veliki značaj za afirmaciju, očuvanje tradicije, običaja i kulture.

Ovakvi susreti ne smiju pasti u zaborav, već ih treba da njeguju nove generacije i da ih čuvaju od zaborava.

Ova i ovakve manifestacije trebaju biti duhovni i nacionalni susreti i interesi, radi sigurne i sretnije budućnosti našeg Naroda.



Ova manifestacija podržana je od strane Federalnog ministarstva kulture i sporta.





OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.net

Web: www.svitac.org

FB: www.facebook.com/omladinska.svitac



Dnevne radionice

Omladinska organizacija Svitar je nastavila sa svakodnevnim interaktivnim i online aktivnostima. Mlađi učesnici su radili kreativne i edukativne stvari prilagođene uzrastu, uz pomoć lokalnih i međunarodnih volontera. Ovaj mjesec su radili: male, šarene čestitke za svoje roditelje, dekorativno cvijeće od papira, šarene Koi ribe nakon prezentacije o kulturi Japana i male ježeve nakon čitanja priče za djecu „Ježeva kućica“; od šarenog materijala smo pravili narukvice prijateljstva. Nastavili smo sa učenjem ćiriličnih slova Z, I, J, K i L, vježbanje čitanja kratkih riječi i prepoznavanje slova. Ova aktivnost se posebno dopada djeci, jer su u mogućnosti da spajaju slova u riječi. Između ostalog su razgovarali o bontonu u restoranu, ekologiji i selektiranju otpada (bio, plastika, papir), ponašanju u saobraćaju, higijeni tijela, te radili razne mini kvizove. Učesnici su obradili temu „Pozorište sjenki“, te uz pomoć projektora i velikog platna pravili razne životnjske oblike. Razgovarali su o vazдушnom saobraćaju, pravili avione i organizovali takmičenje ko će najdalje baciti avion. Jedna od zabavnih tema je bila i „Koliko je sati?“. Vježbali su da kažu koliko je sati, nakon čega je starija grupa radila test, a mlađi su crtali i bojali svoj sat. Razgovarali su i o 4 elementa - zemlja, vazduh, voda i vatra, te u grupama crtali na ovu temu.





Na muzičkim i plesnim radionicama su nastavili vježbati pjesme „Visibaba mala“, „5 malih pačića“, te radili vježbe zagrijavanja, jogu za djecu, „Rock lobster dance“, „Chokolate“ i „Gummy bear“. Takođe su počeli sa novom koreografijom uz pjesmu „Staying alive“. Sportske timske aktivnosti su se održavale svaki dan u parku, a imali smo i mini Olimpijske igre. Cilj ovih edukativnih aktivnosti je da djeca razviju maštu i da koristeći razne materijale izraze svoju kreativnost, te da razviju motoriku,

pamćenje, osjećaj tolerancije i poštovanje prema drugima i usvoje lijepo ponašanje. Sve radionice su implementirane uz edukativnu vizuelnu metodu sa slikama i videom.



Uzrast 13+ je učestvovao u diskusijama/radionicama na teme: volonterizam u lokalnoj zajednici, kultura i njena raznolikost, školski sistem u Velikoj Britaniji, Njemačkoj i BiH, tržište rada, studiranje u inostranstvu, sportske i ljetne aktivnosti. Na ovaj način želimo mladima pružiti siguran i neutralan prostor, u kojem mogu reći svoje mišljenje.

Na engleskim i njemačkim radionicama su radili na vježbanju svakodnevne komunikacije i gramatike, učili novi vokabular, te radili na zanimljivim prezentacijama i projektima.



„Let's talk“ – Radionica komunikacije za mlade 16+

Cilj ovih radionica je okupiti mlade iz lokalne zajednice, kako bi kroz razgovor i druženje pronašli zajedničke interese, te razmijenili i uporedili kulturološke razlike između Njemačke i Bosne i Hercegovine. Ovaj mjesec su učesnici nastavili dijalog o projektu „Rethinking Youth“, realizovali online prezentaciju partnerima na projektu iz Grčke, Bugarske, Finske, Mađarske, Italije, Litvanije, Rumunije i Španije kako je i bilo planirano. Teme o kojima se diskutovalo tokom prezentacije su bile odgovornost mladih u lokalnoj zajednici, obrazovni sistem i uticaj obrazovanja na mlade kao i ekologija. Učesnici projekta iz svih partnerskih organizacija su se početkom avgusta sastali u Grčkoj gdje su uradili evaluaciju aktivnosti koje su implementirane u prvom dijelu godine.



Radionice gitare

Učesnici radionica gitare su utvrđivali naučeno gradivo i radili na novim etidama i kompozicijama. Nastavljen je rad na zahtjevnijem materijalu kao što je „Cool Blues“ (Grant Green), „Capriccio No 8 i 9“ (L. Legnani) ali i na nešto manje zahtjevnom poput akustičnih verzija pjesama „Demons“ (Imagine Dragons) and „See You Again“ (Wiz Khalifa).



Radionice sambe

Grupa je radila na novim idejama sa vokalima, električnom gitarom i basom uključenim u proces improvizacije i komponovanja. Prva se zove CHCL3, druga: „Saudade“, pjesma nešto sporijeg tempa u stilu bossa nove. Dok je treća kompozicija instrumentalna pod radnim naslovom: „Ne zabrljaj“.





Međunarodni dan prijateljstva

Međunarodni dan prijateljstva proglašen je 2011. godine od strane UN-a imajući na umu viziju da prijateljstvo među ljudima, zemljama, kulturama i pojedincima može stvoriti uslove mira i graditi mostove među zajednicama. Svjetski dan prijateljstva je inicijativa koju je UNESCO predstavio Generalnoj skupštini UN-a još 1997. godine, a koja je definisala kulturu mira kao niz vrijednosti, stavova i aktivnosti koje odbacuju sve vrste nasilja uz nastojanja da se spriječe mogući konflikti. Svitac je obilježio Međunarodni dan prijateljstva kroz kreativnu radionicu za učesnike uzrasta 4-7 i 8-12 godina. U kreativnom dijelu napravili smo razglednicu na kojoj su učesnici nacrtali lica svojih najboljih prijatelja i napisali kratak opis. Sa starijom grupom radili smo naprednu verziju, ali u obliku oblaka sa pridjevima koji opisuju njihovog najboljeg drugara. Cilj aktivnosti je bio razvijanje sposobnosti empatije, percepcije, kreativnosti i mašte te da volimo i brinemo o našim prijateljima.



Za septembar se planira nastavak svih aktivnosti Omladinske organizacije Svitac.



Institut za razvoj mladih KULT



4th Viteške brigade street
34 – 36 BA, 71210 Ilidža, Sarajevo
Tel: +387 33 778 778.
Fax: +387 33 778 79
E-mail: kult@mladi.org,
web: www.mladi.org

Mladi preduzetnici insistiraju na poreskim olakšicama u prvoj godini rada

Institut za razvoj mladih KULT provodi istraživanje o izazovima sa kojima se mladi preduzetnici u BiH susreću u vođenju njihovih biznisa, kako bi bile uočene i identificirane mjere i programi koji će pružiti bolju podršku rastu, razvoju i održivosti biznisa mladih ljudi. Istraživanju su se odazvala 103 mlada preduzetnika širom BiH, a u nastavku su predstavljeni neki od preliminarnih rezultata.



Mladi preduzetnici kao najveće prepreke prilikom osnivanja biznisa navode nedostatak finansijskih sredstava, zatim nedovoljnu informiranost o procedurama osnivanja, nedostatak ranijeg poslovnog iskustva, nedostatak odgovarajućeg prostora i objekata za njihove biznise, nedostatak znanja i preduzetničkih vještina, te nedostatak osoblja i mentorstva. Sredstva za pokretanje biznisa najčešće su osiguravali iz vlastitih izvora. Također, kao drugi najčešći izvor finansiranja ispitanici su naveli grantove, i to u tri oblika: grantovi koje dodjeljuju lokalne donatorske organizacije, lokalne institucije vlasti i grantovi koje dodjeljuju međunarodne organizacije. Najmanje česti izvori sredstava za pokretanje biznisa su kreditna zaduženja i pozajmice od prijatelja.

Analizirajući stavove mladih preduzetnika o izazovima i preprekama koje utječu na daljnji razvoj i ukupnu održivost biznisa, najveći utjecaj imaju doprinosi za zaposlene i poreska politika, nedostatak veće podrške institucija vlasti, kao i jedinica lokalnih samouprava, pribavljanje finansijskih sredstava, te zapošljavanje odgovarajuće i zadržavanje postojeće radne snage. Preko 60% ispitanika istraživanja sugerira oslobađanje poreza i doprinosa minimalno u prvoj godini rada, nakon osnivanja biznisa, pa sve do treće godine poslovanja, kako bi bila postignuta stabilnost i finansijska zrelost.

Mladi preduzetnici u BiH posebno važnim smatraju i međusobno umrežavanje. Navode da su ključne koristi umrežavanja udruživanje radi zagovaranja boljih zakonskih uvjeta, bolje tržišno pozicioniranje, razmjena znanja i praktičnih iskustava, unaprjeđenje saradnje sa postojećim partnerima i dobavljačima, iniciranje kontakata kao i ostvarenje saradnje sa ostalim mladim preduzetnicima.

Istraživanjem su ispitani i stavovi predstavnika jedinica lokalnih samouprava, kojem se odazvalo oko 50% JLS u BiH. Naveli su tri mjere za koje smatraju da JLS trebaju preduzeti kako bi iskazale podršku biznisima mladih preduzetnika i time povećali šansu za postizanje njihove održivosti, a to su dodatna finansijska podrška nakon osnivanja, zatim kontinuirana stručna pomoć, odnosno poslovno mentorstvo i dodjela besplatnih poslovnih prostora na korištenje, kao treća mjera.

Institut ovo istraživanje provodi u okviru inicijative Networking Young Entrepreneurs unutar projekta EU4Business koji finansiraju Evropska unija i Vlada SR Njemačke. Uskoro će biti objavljeni rezultati istraživanja na mladi.org.

U prethodnom periodu održana su i četiri okrugla stola u Sarajevu, Mostaru, Doboju i Banjoj Luci na kojima se kroz konstruktivan dijalog mladih preduzetnika, predstavnika sektora vlasti, privrednog, akademskog i sektora medija diskutiralo o sveobuhvatnoj podršci mladim ljudima u BiH koji su krenuli preduzetničkim putem.

Lokalnim građanskim inicijativama do novih sadržaja i prilika za mlade u BiH

Rad s mladima na njihovom osnaživanju kroz programe neformalnog obrazovanja jedan je od načina na koji Institut za razvoj mladih KULT stvara nove generacije proaktivnih mladih koji su, zahvaljujući ličnim i profesionalnim vještinama koje razviju tokom jednogodišnjeg programa Uči, Misli i Djeluj! UMiD obuke za omladinske lidere spremni za aktivno sudjelovanje u procesima koji ih se tiču u lokalnim zajednicama.



Adi Zahirović, polaznik obuke UMiD, koordinator je lokalne građanske inicijative pod nazivom „Pronađi rješenje za svoje probleme“.

"Inicijativa obuhvata edukacije o političkoj pismenosti i učešću mladih u procesima donošenja odluka na lokalnom nivou, simulaciju rada gradskog vijeća, prisustvo mladih sjednici Gradskog Vijeća Grada Visoko, te tematsku sjednicu Komisije za pitanja mladih i ravnopravnost spolova koja će ujedno biti prva tematska

sjednica o mladima na lokalnom nivou. Odlučili smo da kroz ovu inicijativu ponudimo mladima rješenje, odnosno metodologiju kako da pokrenu svoje građanske inicijative ili u slučaju da se neki zakoni ne poštuju, želimo mladima biti podrška u tim situacijama. Ono što nije bilo planirano prvobitno kroz ovaj projekat, a realizirat ćemo je tematska sjednica komisije za mlade gdje ćemo sa 20 mladih doći do inicijativa i zaključaka, koje ćemo na komisiji predložiti u suradnji sa lokalnim partnerima i pozivajući se na istraživanje koje je sproveo Institut za razvoj mladih KULT", istakao je Adi Zahirović, polaznik obuke UMiD.

Institut već sedamnaest godina organizuje UMiD obuku za koju bivši polaznici često kažu da je obuka koja im je promijenila život. Mi u Institutu na obuku gledamo kao na inkubator mladih lidera koji (p)ostanu aktivni članovi društva, prepoznaju probleme mladih u zajednicama, uključuju se u rješavanje problema, te često sami nude rješenja i predlažu promjene. Mentorska i finansijska podrška mladima koji u okviru UMiD obuke predlažu i provode lokalne građanske inicijative prilika je da budući omladinski lideri i liderice počnu odmah primjenjivati stečena znanja i djelovati.

U želji za konkretnim djelovanjem polaznici sedamnaeste generacije UMiD-a su u proteklom periodu vrijedno i pomno osluškivali probleme i potrebe svojih vršnjaka u zajednicama, te osmislili kreativna rješenja i načine kako odgovoriti na prepoznate izazove i vršnjacima ponuditi nešto novo.

Naida Kustura, polaznica je UMiD obuke koja je odlučila da u okviru svoje lokalne građanske inicijative odabere nešto malo drugačije.

"Impakt je nastao 2019. godine od strane mene i još jedne polaznice UMiD-a Elene, a obje smo tokom školovanja u Srednjoj školi primjenjenih umjetnosti pohađale edukacije „Upcycling challenge eco friendly fashion designs“, postale certificirane za tu oblast, te održale vlastite revije u ovom sektoru u Brnu i Sarajevu. Inicijativom želimo osvježiti i obogatiti modnu i kulturnu scenu BiH, motivisati mlade ljude da kreiraju i da se ne boje svoje kreativnosti i izazova, te upoznati bh. javnost sa pojmom održive mode i konceptualne umjetnosti. Kroz inicijativu će 10 mladih bh. dizajnera pohađati edukacije o održivoj mode, te istovremeno kreirati komade koristeći korištenu garderobu kupljenu na Pomozi.ba bazaru, a potom pripremiti modnu reviju", istakla je Naida Kustura, polaznica obuke UMiD.

Zahvaljujući naporima vrijednih i kreativnih UMiD-ovaca, do kraja tekuće godine mladi u Travniku, Hadžićima, Mostaru, Tesliću, Banjoj Luci, Kalesiji, Visokom, Sarajevu i Donjoj Međiđi kod Gradačca moći će se uključiti u širok spektar aktivnosti koje su osmišljene u okviru lokalnih građanskih inicijativa. Neke od inicijativa će graditi mostove između marginaliziranih skupina društva, pomoći mladima da unaprijede infrastrukturu za mlade u lokalnoj zajednici, jačaju kapacitete i grade vještine, dok će preostale promovirati važnost zdravih životnih stilova, održive i odgovorne mode, konceptualne umjetnosti, ali i educirati mlade o funkcioniranju organa uprave u lokalnim zajednicama.

Podršku mladima u provedbi inicijativa pružit će Institut za razvoj mladih KULT i Ambasada Kraljevine Švedske u Bosni i Hercegovini, koji su izdvojili preko 13.000 KM za realizaciju ovih ideja.

Ovim potpisivanjem ugovora i dodjelom sredstava mladima i organizacijama Institut za razvoj mladih KULT nastavlja kontinuirano pružati finansijsku i mentorsku podršku mladima širom Bosne i Hercegovine.



Budžet i nove prilike za mlade u Novom Sarajevu – usvojena Strategija prema mladima

Općinsko vijeće Općine Novo Sarajevo usvojilo je Strategiju prema mladima 2022-2027. Šta to znači za mlade? Novi programi i prilike koje će Općina u narednim godinama provoditi, zasigurno će osigurati bolje uslove u oblastima zapošljavanja, obrazovanja, zdravstvene i socijalne sigurnosti, kulture i sporta. Posebno je važno naglasiti da su predviđene aktivnosti koje će mladima osigurati učešće u procesima odlučivanja i podrške omladinskim organizacijama kao i Vijeću mladih Općine Novo Sarajevo.

Jedna od značajnijih mjera je kreiranje budžeta za mlade, a koji će biti prvi budžet ove vrste u Federaciji BiH, usklađen sa Zakonom o mladima i potrebama mladih u zajednici.

Općina Novo Sarajevo radit će tako da mladi budu informirani i da ostvaruju ekonomsku i socijalnu sigurnost koristeći pune kapacitete programa za zapošljavanje i samozapošljavanje. Ovo uključuje i kreiranje Centra za promociju i podršku razvoju biznisa i prostora kojeg će moći kreirati mladi preduzetnici (hub).

Kreiranjem Centra za promociju i podršku razvoju biznisa, početnici u biznisu će sve potrebne informacije dobiti na jednom mjestu. Među ostalim, u Centru će mladima biti omogućeno da koriste prostor coworkinghuba, ali i subvencije za pokretanje biznisa.

Za namjene praćenja provedbe Strategije, Općina će imenovati radno tijelo koje će na godišnjem nivou izvještavati o provedbi predviđenih mjera i aktivnosti, a javnost će biti informirana putem društvenih mreža, službenih komunikacijskih kanala Općine.



INFORMACIJE / NAJAVE / DONATORI / POZIVI

1. NAJAVA POČETKA ANTI-KORUPCIJSKOG PROJEKTA U MOSTARU



Udruženje za edukaciju i razvoj
„Dignitet“



info@dignitet.ba

www.dignitet.ba


+387 62 329 994

Linija za pomoć: +387 61 422 447

Adresa: Čemalova 14, Mostar

Korupcija je problem koji utječe na sve sfere života građana BiH ali i jedan od glavnih razloga odlaska građana iz BiH. Mito i korupcija utječu na rušenje sistema vrijednosti ali i moralnog integriteta kako pojedinca tako i šire društvene zajednice. Po ovogodišnjem Indeksu percepcije korupcije (Corruption Perception Index – CPI) Bosna i Hercegovina zauzela je treće najgore mjesto u Evropi sa ocjenom 35, na skali od 0 do 100, što je ukupno pozicionira na 110. mjesto od 180 zemalja, a lošiji rezultat imaju samo Ukrajina i Rusija. Ocjena je ista kao i prošle godine i najgora je u posljednjoj deceniji, jer BiH, za razliku od zemalja okruženja, nije ostvarila nikakav napredak na polju borbe protiv korupcije, prije svega zbog političke opstrukcije ključnih reformi.

KORUPCIJA JE ZLO! ZAUSTAVIMO KORUPCIJU!



Projekta „On my own – Neću štelu vol II“.
Projekt je podržan od strane Fonda otvorenog društva BiH.
Projekt provodi Udruženje za razvoj i edukaciju „Dignitet“.

Udruženje za edukaciju i razvoj
„Dignitet“

Zoran Horac za projekt "Neću štelu - On my own" - 2021.

Projekt podržan od strane



Uključi se u projekt i prijavi korupciju na broj telefona 061 909 212

Svijet neće uništiti oni koji čine zlo, već oni koji ih gledaju ne čineći ništa. - Albert Einstein

Udruženje "Dignitet" počinje provedbu novog anti-korupcijskog projekta koji će doprinijeti aktiviranju mladih da problem korupcije adresiraju kao jedan od glavnih prioriteta u svojim lokalnim zajednicama.

Projekt "On my own- Neću štelu Vol II" ima za cilj da doprinese jačanju učešća građana u borbi protiv korupcije. Poseban akcenat se stavlja na umjetnički aktivizam i ekološku osviještenost građana, kao i doprinos mladih u borbi protiv korupcije.

Putem umjetnosti i direktnim radom na terenu doprinosti će se podizanju svijesti građana o postojanju problema korupcije u društvu, ohrabivanju i pružanju podrške građanima da lično preuzmu i uključe se u akcije koje će rezultirati borbom protiv potencijalne ili dokazane korupcije, zloupotrebe položaja od strane nadležnih vlasti i pojedinaca u institucijama, neodgovornog ponašanja vršilaca javnih funkcija, predstavnika vlasti, nepoštivanja zakonskih procedura ili drugih javnih politika, nezakonitog i neodgovornog trošenja javnih resursa, zagovaranja za donošenje nedostajućih politika koje će smanjiti prostor za korupciju i sl. Neke od aktivnosti uključuju rad sa mladima u Mostaru, Stocu, Čapljini Jablanici i Olovu, ekološke akcije čišćenja, igranje predstave Ti, ja i Štela, video animacije dostupne na linku https://www.youtube.com/watch?v=ObPFQt7HfzE&ab_channel=Udru%C5%BEenjeDignitet itd.

U okviru projekta "On my own- Neću štela Vol II" pokrenuta je Info linija 062 909 222, putem koje se građani mogu informisati o projektu kao i prijaviti korupciju. Putem info linije građanima će biti omogućena besplatna savjetodavna i pravna pomoć i podrška.

Projektne aktivnosti se mogu pronaći na web stranici www.necustelu.ba i www.dignitet.ba

Projekat je podržan od **Fonda otvorenog društva BiH**.

2. Raspisani konkursi za raspodjelu sredstava od igara na sreću u oblasti porodice, omladine i sporta



Na osnovu čl. 6. i 7. Uredbe o kriterijumima za utvrđivanje korisnika i načinu raspodjele sredstava od igara na sreću („Službeni glasnik Republike Srpske“, broj 111/20), člana 4. Pravilnika o posebnim kriterijumima i postupku za raspodjelu sredstava od igara na sreću („Službeni glasnik Republike Srpske“, broj 120/20) i člana 2. Metodologije upravljanja grantovima za programe i projekte koji se finansiraju ili sufinansiraju sredstvima iz Budžeta Republike Srpske,

Ministarstvo porodice, omladine i sporta objavljuje:

1. Konkurs za raspodjelu sredstava od igara na sreću u 2022. godini u oblasti porodice
2. Konkurs za raspodjelu sredstava od igara na sreću u 2022. godini u oblasti omladine
3. Konkurs za raspodjelu sredstava od igara na sreću sportskim organizacijama (klubovima) Republike Srpske i sportistima pojedincima u pojedinačnim sportovima u 2022. godini.

Konkursi su objavljeni danas, 29. avgusta 2022. godine, u dnevnom listu „Glas Srpske“ kao i na internet stranici Ministarstva porodice, omladine i sporta (www.vladars.net → → Ministarstvo porodice, omladine i sporta → → Konkurs za raspodjelu sredstava od igara na sreću u 2022. godini), gdje možete preuzeti sve potrebne obrasce i konkurs.

Konkurs za raspodjelu sredstava od igara na sreću u 2022. godini u oblasti omladine

Na konkurs za raspodjelu sredstava od igara na sreću po programima i projektima koji se odnose na oblast omladine mogu se prijaviti organizacije koje su, do dana objave konkursa, upisane u Omladinski registar i prijavile sve naknadno upisane statusne promjene odobrene kod nadležnog organa te koje su dostavile finansijske izvještaje o namjenskom utrošku sredstava odobrenih od strane Ministarstva u 2021. i 2022. godini, ukoliko su finansirane od strane Ministarstva.

Konkurs za raspodjelu sredstava od igara na sreću sportskim organizacijama (klubovima) Republike Srpske i sportistima pojedincima u pojedinačnim sportovima u 2022. Godini

Sportski klubovi Republike Srpske i sportisti pojedinci u pojedinačnim sportovima koji sportskim rezultatima u 2022. godini do dana objavljivanja ovog konkursa ispunjavaju uslove iz tačke 1. Konkursa. Sportski klubovi koji su upisani u Registar sportskih organizacija i drugih organizacija u oblasti sporta koji se nalaze u evidenciji Ministarstva porodice, omladine i sporta do dana završetka konkursa.

Sportski klubovi i sportisti pojedinci koji su dostavili finansijske izvještaje o namjenskom utrošku sredstava odobrenih od strane ministarstva u 2020. i 2021. godini ukoliko su finansirani od strane Ministarstva.

Svi konkursi otvoreni su 30 dana od dana objavljivanja, a ministar zadržava pravo njegovog poništenja usljed nepredviđenih budžetskih ograničenja.

Konkurs za raspodjelu sredstava od igara na sreću u 2022. godini u oblasti omladine

- [konkurs -igre na sreću-resor omladine](#)
- [obrazac za prijavu](#)

[Ministarstvo porodice, omladine i sporta](#)

3. CAT Bosna i Hercegovina nagrađuje mlade!



U sklopu inicijative mladih Cat BiH otvoren je nagradni konkurs na temu "dezinformacije u medijima".

Dezinformacija je medijska manipulacija koja se zasniva na činjenicama, ali ih pogrešno predstavlja, tj. sadrži "miks" činjenica i netačnih informacija ili poluistina.

Dezinformacija se može smatrati blažim oblikom lažnih vijesti, a u nekim slučajevima je rezultat nepreciznog ili nepotpunog prenošenja vijesti, čime se

mijenja njeno izvorno značenje i navodi na pogrešne zaključke o temi ili pojavi o kojoj se izvještava.

Sve što trebate da uradite jeste da nam pošaljete svoje autorsko djelo na zadanu temu, to može biti fotografija, dizajn ili meme (potpuna sloboda), a tri autorska djela sa najvećim brojem lajkova na našim društvenim mrežama osvojiti će vrijedne nagrade!

1. Mjesto osvaja novčanu nagradu od 100KM
2. Mjesto osvaja novčanu nagradu od 50KM
3. Mjesto osvaja nagradu u vrijednosti od 50KM

Ovo je super prilika da upravo ti osvojiš vrijedne nagrade! Vjerujemo u tvoj kvalitet i kreativnost!

USLOVI ZA UČEŠĆE U NAGRADNOJ IGRI:

1. Starosna granica za učešće: do 35 godina starosti;
2. Rok za prijave **21.09.2022. do 23:59h;**
3. Originalan rad/autorsko djelo;
4. Poslati na mail: catbih@hotmail.com, sa naznakom: „Nagradna igra“;
5. U mail-u napisati vaše: Ime i prezime, broj telefona i adresa stanovanja (*ulica, poštanski broj i grad*).

Čekamo vas!

4. Otvoren poziv za Akademiju demokratije za mlade žene 2022/2023

Ako ste mladi (18-35 godina), motivisani da steknete nova znanja i iskustva kroz jednogodišnji program koji se tiče građanskog aktivizma i društvenog angažmana - ovo je pravi Program za Vas!

U periodu od oktobra 2022. godine do juna 2023. godine imat ćete mogućnost da steknete znanja i iskustva koja će vam pomoći u Vašem budućem profesionalnom i privatnom rastu i razvoju.

Akademija demokratije za mlade žene se tradicionalno održava već šest godina i mladim ženama širom Bosne i Hercegovine pruža znanja i iskustva koja će im biti od koristi cijeli život. Kroz aktivni angažman na Akademiji u sklopu pet edukativnih modula imati ćete priliku da aktivno učestvujete u procesima društvenih promjena u BiH, doprinesete podizanju svijesti mladih i građanstva kroz kreiranje i implementaciju vlastitih projekata zajedno sa lokalnim nevladinim organizacijama u svojim zajednicama.

Više o Akademiji pročitajte na sljedećem [LINK](#).

Ako želite biti dio VII generacije Akademije demokratije za mlade žene, kliknite na LINK za prijavu:

[PRIJAVA](#).

Prijave traju sve do **15. septembra 2022. godine**, a za sva pitanja nam se možete obratiti putem e-maila: general@zenezazene.ba.

Ovaj projekat je podržan od strane [National Endowment for Democracy](#).



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba

Mjesečni bilten uređuje
Omladinski resursni centar - ORC
Tuzla

Urednik Biltena:

Mirela Biković

Prevod Biltena na

engleski: **Adnan Karamujić**

WEB stranica Mreže:

www.orctuzla.ba

Mejling lista Mreže:

posta@omladina-bih.net

Webmaster:

anicic.dev@gmail.com